

玉臺新詠集



玉臺新詠目錄卷之五

江淹

四首

丘遲

二首

沈約

二十四首

柳惲

九首

江洪

四首

高爽

一首

鮑子卿

二首

何子朗

三首

范倩婦

四首



何遜一

二十首

王樞

三首

庾丹

二首

玉臺新詠卷之五

江淹古體

江淹

遠與君別者乃至鴈門關黃雲蔽千里遊子何時
還送君如昨日簷前露已團不惜蕙草晚所悲道
里寒君行在天涯妾心久別離願一見顏色不異
瓊樹枝兔絲及水萍所寄終不移

班婕妤好扇

紈扇如團月出自機中素畫作秦王女乘鸞向煙
霧彩色世所重雖新不代故竊悲涼風至吹我玉
階樹君子恩未畢零落在中路

張司空離情華

秋月映簾櫳懸光入丹墀佳人撫鳴琴清夜守空
帷蘭徑少行迹玉臺生網絲庭樹發紅彩閨草含
碧滋羅綺爲君整萬里贈所思願垂湛露惠信我
皎日期

休上人怨別

惠休

西北秋風至楚客心悠哉日暮碧雲合佳人殊未
來露彩方泛艷月華始徘徊寶書爲君掩瑤琴詎
能開相思巫山渚悵望陽雲臺金爐絕沈燎綺席
徧浮埃桂水日千里因之平生懷

丘遲敬酬柳僕射征怨

丘遲

清歌自言妍雅舞空仙耳中解明月頭上落金
鈿雀飛且近遠暮入綺羅前魚戲雖南北終還荷
葉邊惟見君行久新年非故年

荅徐侍中爲人贈婦

丈夫吐然諾受命本遺家糟糠且棄置蓬首亂如
麻側聞洛陽客金蓋翼高車謁帝時來下光景不
可奢幽房一洞啓二八盡芳華羅裾有長短翠鬢
無低斜長眉橫玉臉皓腕卷輕紗俱看依井蝶共
取落簷花何言征戍苦抱脉空咨嗟

沈約登高望春

沈約

登高眺京洛街巷紛漠漠
 迴首望長安城闕鬱盤桓
 日出照鈿黛風過動羅紈
 齊童躡朱履趙女揚翠翰
 春風搖雜樹葳蕤綠且丹
 寶瑟玫瑰柱金羈玳瑁鞍
 淹留宿下蔡置酒過上蘭
 解眉還復斂方知巧笑難
 佳期空靡靡含睇未成歡
 嘉客不可見因君寄長歎

昭君辭

朝發披香殿夕濟汾陰河
 於茲懷九逝自此斂双蛾
 沾粧疑湛露繞臆狀流波
 日見奔沙起稍覺轉

蓬多胡風犯肌骨非直傷綺羅
 銜涕強南望關山鬱嵯峨
 試作陽春曲終成苦寒歌
 唯有三五夜明月暫經過

少年新婚為之詠

山陰柳家女薄言出田墅
 丰容好姿顏便僻巧言語
 腰肢既軟弱衣服亦華楚
 紅輪映早寒畫扇迎初暑
 錦履並花紋繡帶同心苜
 羅襦金薄厠雲鬢花釵舉
 我情已鬱紆何用表崎嶇
 託意眉間黛申心口上朱
 莫爭三春價坐喪千金軀
 盈尺青銅鏡九寸合浦珠
 無因達往意欲寄雙飛鳥
 裾開見玉

五卷
四
趾衫薄映凝膚羞言趙飛燕笑殺秦羅敷自顧雖
悴薄冠蓋曜城隅高門列駟駕廣路從驪駒何慚
鹿盧劔詎減府中趨還家問鄉里詎堪持作夫

雜携手曲三首

捨轡下彫輅更衣奉玉牀斜簪映秋水開鏡比春
粧所畏紅顏促君恩不可長雞冠且容喬豈忝桂
枝亡

携手曲

有所思

西征登隴首東望不見家關樹抽紫葉塞草發青
芽昆明池詩欲滿蒲萄應作花流淚對漢使因書寄

斜狹

有所思

夜夜曲

河漢縱且橫北斗橫復直星漢空如此寧知心有
憶孤燈暖不明寒機曉猶織零淚向誰道雞鳴徒
歎息

夜夜曲

雜
詠春首

楊柳亂如絲綺羅不自持春草青復綠客心傷此
時翠苔已結洧碧水復盈淇日華照趙瑟風色動
燕姬衿前萬行淚故是一相思

春詠

詠桃

風來吹葉動風去畏花傷紅映已照灼况復含日光歌童暗理曲游女夜縫裳詎減當春淚能斷思人腸

詠桃

詠月

月華臨靜夜夜靜滅氛埃方暉竟戶入圓影隙中來高樓切思婦西園游上才網軒映珠綴應門照綠苔洞房殊未曉清光信悠哉

詠月

詠簾

江南簫管地妙響發孫枝慙慙寄玉指含情舉復垂彫梁再三繞輕塵四五移曲中有深意丹誠君

詎知

詠簾

六意詩四首 三言五言

三言五言

憶來時灼灼上堦墀勤勤叙別離慊慊道相思相看常不足相見乃忘飢

憶坐時黯黯羅帳前或歌四五曲或弄兩三絃笑時應無比真時更可憐

憶食時臨盤動容色欲坐復羞坐欲食復羞食含哺不如飢擊甌似無力

憶眠時人眠彊未眠解羅不待勸就枕更須牽復恐傍人見嬌羞在燭前

鏡邊繡

纖手製新奇刺作可憐儀
紫絲飛鳳子結縷坐花
兒不聲如動吹無風自裏枝
麗色儻未歇聊承雲
鬢垂

領邊繡

脚下履

丹墀上颯沓玉殿下趨鏘
逆轉珠珮響先表繡桂
香裾開臨舞席袖拂繞歌堂
所歎亡懷妾見委入
羅牀

脚下履

擬青青河邊草

漠漠牀上塵中心憶故人
故人不肯憶中夜長歎

息歎息想容儀不欲長別離
別離稍已久空牀寄
杯酒

擬三婦

大婦掃玉墀中婦結羅幃
小婦獨無事對鏡畫娥
眉良人且安臥夜長方自私

古意

挾瑟叢臺下徙倚愛容光
佇立日已暮戚戚苦人
腸露葵已堪摘湛水未沾裳
錦衾無獨暖羅衣空
自香明月雖外照寧知心內傷

夢見美人

鍾子宇 五卷 七
夜聞長歎息知君心有憶果自閭闔開魂交靚容
色既薦巫山枕又奉齊眉食立望復橫陳忽覺非
在側那知神傷者潺湲淚沾臆

効古

可憐桂樹枝單雄意故雌歲暮異栖宿春至猶別
離山河隔長路路遠絕容儀豈云無我匹寸心終
不移

初春

挾道覓陽春佳人共携手草色猶自非林中都未
有無事逐梅花空中信楊柳且復共歸來含情寄

杯酒

悼往

去秋三五月今秋還照房今春蘭蕙草來春復吐
芳悲哉人道異一謝永銷亡屏筵空有設帷席更
施張遊塵掩虛座孤帳覆空牀萬事無不盡徒令
存者傷

柳惲擣衣詩

孤衾紛思緒獨枕愴憂端深庭秋草綠高門白露
寒思君起清夜促柱奏幽蘭不怨飛蓬苦徒傷蕙
草殘

行役滯風波游人淹不歸亭臯木葉下攏首秋雲
飛寒園夕鳥集思牖草虫悲嗟矣當春服安見禦
冬衣二其

鶴鳴勞永歎採菘傷時暮念君方遠徯望妾理統
素秋風吹綠潭明月懸高樹佳人飭淨容招携從
所務三其

步欄欄杳不極離堂肅已局軒高夕杵散氣爽夜礎
鳴瑤草華隨步響幽蘭逐袂生踟躕理金翠容與納
宵清四其

泛艷迴煙綵淵旋龜鶴文淒淒合歡袖冉冉蘭麝

芬不怨杼軸苦所悲千里分垂泣送行李傾首遲
歸雲五其

鼓吹曲二首

獨不見

別島望風臺天淵臨水殿芳草生未積春花落如
霰出從張公子還過趙飛燕奉帚長信宮誰知獨
不見獨不見

度關山

少長倡家女出入燕南垂唯持德自美本以容見
知舊聞關山遠何事摠金羈妾心日已亂秋風鳴

細枝

度關山

雜詩

雲輕暮色轉草綠晨芳歸山墟罷寒晦園澤潤朝暉春心多感動覩物情復悲自君之去矣蘭堂罷鳴機徒知游宦是不念別離非

長門怨

臺

玉戶夜悄悄應門重且深秋風動桂樹流月搖輕陰綺簷清露滴網戶思虫吟歎息下蘭閣含愁奏雅琴何由鳴曉佩復得抱宵衾無復金屋念豈照長門心

江南曲

汀洲採白蘋日暖江南春洞庭有歸客瀟湘逢故人故人何不返春華復將晚不道新知樂祇言行路遠

起夜來

城南斷車騎閣道覆清埃露華光翠網月影入蘭臺洞房且莫掩應門或復開颯颯秋桂響非君起夜來

七夕穿針

代馬秋不歸緇紈無復緒迎寒理夜縫映月抽織

縷的皜愁睇光連娟思眉聚清露下羅衣三風吹
玉柱流陰稍已多餘光欲難取

詠席

照日汀洲際搖風綠潭側雖無獨壘輕幸有青袍
色羅袖少輕塵象牀多麗節願君蘭夜飲佳人時
宴息

江洪詠歌姬

江洪

寶鑷間珠花分明靚粧點薄鬢約微黃輕紅澹鉛
臉發言芳已馳復加蘭蕙染浮聲易傷歎沈唱安
而險孤轉忽徘徊雙蛾乍舒斂不持全示人半用

輕紗掩

舞女

腰纖蔑楚媛體輕非趙姬映襟間寶粟緣肘挂珠
絲發袖已成態動足復含姿斜睛若不眇當轉復
遲疑何慙雲鶴起詎減鳳驚時

詠紅牋

雜彩何足竒惟紅偏作可灼爍類葉開輕明似霞
破鏤質卷芳脂裁花承百和且傳別離心復是相
思裏不值情牽人豈識風流座

詠薔薇

當戶種薔薇枝葉太穢蕤不搖香已亂無風花自
飛春閨不能靜開匣理明妃曲池浮采采斜岸列
依依或聞好音度時見銜泥歸且對清觴湛其餘
任是非

詠鏡

高爽

初上鳳皇墀此鏡照蛾眉言照長相守不照長相
思虛心會不採貞明空自欺無言故此物更復照

詠畫扇

鮑子卿

新期

鮑子卿詠畫扇

新絲本自輕弱綵何足晒直爲發紅顏謬成握中

扇乍奉長門泣時承柏梁宴思粧開已歌掩容隱
而見但畫雙黃鵠莫作孤飛燕

詠玉階

玉階已夸麗復得臨紫微北戶接翠幄南路抵金
扉重疊通日影參差藏月輝輕苔染珠履微漱拂
羅衣獨笑崑山曲空見青鳧飛

學謝體

何子朗

桂臺清露拂銅陛落花沾美人紅粧羅攀鉤捲細
簾思君暫促柱玉指何纖纖未應爲此別無故坐
相嫌

和虞記室騰古意

美人弄白日灼灼當春牖清鏡對蛾眉新花映玉
手燕下拾池泥風來吹細柳君子何時歸與我酌
樽酒

和繆郎視月

清夜未亡疲細簾聊可發冷冷玉潭水映我蛾眉
月靡靡露方垂輝々光稍沒佳人復千里餘影徒
揮忽

詠步搖花

范靖婦

珠華縈翡翠寶葉間金瓊剪荷不似製為花如自

生低枝拂繡領微步動瑤珞瑤但令雲鬢插蛾眉本

易成

戲繡娘

明珠翠羽帳金薄綠綃帷因風時暫舉想象見芳
姿清晨插步搖向晚解羅衣託意風流子佳情詎
可私

詠五彩竹火籠

可憐潤霜質纖剖復豪分織作迴風苴製為縈綺
文含芳出珠被曜彩接緗裙徒嗟今麗飾豈念昔
凌雲

詠燈

綺筵日已暮羅幃月未歸
開花散鵲采含光出九
微風軒動丹焰冰宇澹
清暉不畏輕蛾繞唯恐
蠅飛

日夕望江贈魚司馬

何遜

溢城帶溢水溢水索如帶
日夕望高城眇眇青雲
外城中多宴賞絲竹常繁
會管聲已流悅絃聲復
淒切歌黛慘如愁舞腰疑
欲絕仲秋黃葉下長風
正騷屑早鴈出雲飛故燕
辭簷別畫悲在異縣夜
夢還洛汭洛汭何悠悠起
望登西樓的的帆向浦

團團日隱洲誰能一羽化
輕舉逐飛浮

擬輕蒲篇

城東美少年重身輕萬億
柘彈隨珠丸白馬黃金
勒長安九達上青槐蔭道
植轂擊晨已喧肩排暝
不息走狗通西望牽牛亘
南直相期百戲傍去來
三市側象牀沓繡被玉盤
傳綺食大婦掩扇歌小
婦開簾織相看獨隱笑見
人還斂色黃鶴悲故群
山枝詠初識鳥飛過客盡
雀聚行龍匿酌羽方狀
狀此時歡未極

詠照鏡

珠簾旦初捲綺羅朝未織玉匣開鑿形寶臺臨淨
篩對影獨含笑看花空轉側聊爲出雲眉試染桃
天色羽釵如可間金鈿畏相逼蕩子行未歸啼粧
坐沾臆

閨怨

曉河沒高棟斜月半空庭窓中度落葉簾外隔飛
螢含情下翠帳掩涕閉金屏昔期今未反春草寒
復青思君無轉易何異北辰星

詠七夕

仙車駐七襄鳳駕出天潢月照九微火風吹百和

香來歡暫巧笑還淚已啼粧依稀猶洛汭侯忽似
高唐別離不得見河漢漸湯湯

詠舞

管清羅薦合絃驚雪袖遲逐唱迴纖手聽曲轉蛾
眉凝情盼墮珥微睇託含辭日暮留嘉客相看愛
此時

看新婦

霧夕蓮出水霞朝日照梁何如花燭夜輕扇掩紅
粧良人復灼灼席上自生光所悲高駕動環珮出
長廊

詠倡家

皎皎高樓暮華燭帳前明羅帷雀釵影寶瑟鳳雛
聲夜光枝上發新月霧中生誰念當窓牖相望獨
盈盈

詠白鷗嘲別者

可憐雙白鷗朝夕水上浮何言異栖息雌住雄不
留孤飛出嶼浦獨宿下滄洲東西從此去影響絕
無由

學青青河邊草

春園日應好折花望遠道秋夜苦復長抱枕向空

牀吹樓下促節不言於此別歌筵掩團扇何時一
相見絃絕猶依軫葉落裁下枝即此雖云別方我
未成離

嘲劉諮議孝綽

房櫳滅夜火窓戶映朝光妖女褰幃出蹀躞初下
牀雀釵橫曉鬢蛾眉艷宿粧稍聞玉釧逮猶憐翠
被香寧知早朝客差池已鴈行

王樞古意應蕭信武歌

王樞

朝取飢蚕食夜縫千里衣復聞南陌上日暮採蓮
歸青苔覆寒井紅藥間青薇人生樂自極良時徒

見違何由及新燕双双還共飛

至烏林村見採桑者因有贈

遙見提筐下翩妍實端妙將去復回身欲語先為
笑閨中初別離不許覓新知空結茱萸帶敢報木
蘭枝

徐尚書座賦得阿憐

紅蓮披早露玉貌映朝霞飛燕啼粧罷顧步插餘
花溘匝金鈿滿參差繡領斜暮還垂瑤帳香燈照
九華

庚丹秋閨有望

庚丹

耿耿橫天漢飄飄出岫雲月斜樹倒影風至水迴
文已泣機中婦復悲堂君上羅襦曉長襲翠被夜
徒薰空汲銀牀井誰逢金縷裙所思竟不至持酒
清夜分

夜夢還家

歸飛夢所憶共子汲寒漿銅甌素絲綆綺井白銀
牀雀出丰茸樹虫飛玳瑁梁離人不相見爭忍對
春光

潘岳黃門述哀

宋本無此篇

青春速天機素秋馳白日美人歸重泉悽愴無終

畢殯宮已肅清松柏轉蕭索俯仰未能弭尋念非
但一拊衿悼寂寞恍然若有失明月入綺窓髮髯
想蕙質消憂非萱草永懷寄夢寐夢寐復冥冥何
由覲爾形我慙北海術爾無帝女靈願言出遠山
徘徊泣松銘雨絕無還雲華落豈留英日月方代
序寢興何時平

玉臺新詠卷之五

辛酉十一月以明履陳玉父本校

玉臺新詠目錄卷之六



吳均 二十首

三十四首

張率 擬樂府三首

三首

徐悱 詩二首

三首

費昶 一十首

十首

姚翻 同郭侍郎采桑一首

二首

劉令嫺 答外二首

二首

何思澄 三首

三首

徐悱答唐孀七夕所穿針一首

妾本倡家女出入魏王宮既得承瑤華亦在更衣中蓮花銜青雀寶粟細金蟲
猶言不得意流涕憶遠東其二

春草攏可結妾心正斷絕綠鬢愁中改紅顏嘆裏滅非獨淚成珠亦見珠成血
願為飛鵲銜照離別其三

何處報君書隴右五岐路淚研兔枝墨筆染鵝毛素碧浮盂渚水香下洞庭路
應歸遂不歸芳春空擲渡四

妾家橫塘北發豔小長千花釵玉腕轉珠繩金絡凡羅履懸青鳳遠逐搖白團
誰堪久見此含恨不相看五

玉臺新詠卷第六

吳均詩洗馬古意六首

匈奴數欲盡僕在玉門關蓮花穿劍鏑秋月掩刀
環春機鳴窈窕夏鳥思綿蠻中人坐相望狂夫終
未還六

採桑

賤妾思不堪採桑渭城南帶減連枝綉髮亂鳳皇
繁花舞依長薄蛾飛愛綠潭無由報君信流涕向
春蚕其一

梅花落

終冬十二月寒風西北吹獨有梅花落飄蕩不依
枝流連逐霜彩散漫下冰澌何當與君日共映芙
蓉池

與柳惲相贈答六首

黃鸝飛上苑綠芷出河洲日映昆明水春生乾鵲
樓飄颺白花舞瀾漫紫萍流書織迴文錦無因寄
隴頭思君甚瓊樹不見方離憂
鳴鞭適大阿睽翮渡漳濟燕姬及趙女挾瑟夜經
過纖腰曳廣袖半額畫長蛾客本倦游者箕箒在
江沱故人不可棄新知空復何

離君苦無樂回暮心悽悽要途訪趙使聞君仕執
珪杜蘅色已發菖蒲葉未齊羃歷蚕餌蠶差池燕
吐泥願遂東風去飄蕩至遼西

白日隱城樓勁風掃寒木離杼隔東西執手異涼
燠相思咽不言洞房清且肅歲去甚流烟時來如
轉軸別鶴千里飛孤雌夜未宿

閨房宿已靜落月有餘輝寒虫隱壁思秋蛾繞燭
飛絕雲斷更合離鴻去復歸佳人今何在迢迢江
之沂一為別鶴棄千里淚沾衣

秋雲靜晚天寒夜方綿綿聞君吹急管相思雜採

蓮別離未幾日高月三成弦跡疊黃河浪嘶昌隴
頭蟬寄書薜蘿葉插着叢臺邊

擬古四首

陌上桑

嫋嫋陌上桑蔭陌復垂塘長條映白日細葉隱鸝
黃蚕飢妾復思拭淚且提筐故人寧知此離恨煎
人腸

秦王卷衣

咸陽春草芳秦帝卷衣裳玉檢茱萸匣金泥蘇合
香初芳薰複帳餘輝曜玉堂當須宴朝罷持此贈

華陽

採蓮

錦帶雜花鈿羅衣垂綠川問子今何去出採江南
蓮遼西三千里欲寄無因緣願君早旋返及此荷
葉鮮

携手

艷裔陽之春携手清洛濱雞鳴上林花薄暮小平
津長裙薄白日廣袖葉芳塵故交一如此新知詎
憶人

贈杜容成一首

一燕海上來一燕高臺息一朝所逢過依然舊所
識問我來何遲山川幾紆直荅言海路長風多飛
無力昔別縫羅春衣風初入帷今來夏欲曉桑蛾
薄樹飛

春詠

露

春從何處來拂衣復驚梅雲障青瑣闥風吹承霧
臺美人隔千里羅幃關不開無由得共語空對相
思杯

去妾贈前夫

棄妾在河橋相思復相遼鳳凰簪落髮蓮花帶緩

腰腸從別處斷貌在淚中消願君憶疇昔片言時
見饒

詠小年

董生唯巧笑子都信美目百萬市一言千金買相
逐不道參差菜詣諭窈窕淑願君捧繡被來就越
人宿

王僧孺春怨

四時如湍水奔飛競迴復夜鳥響嚶々朝花照煜
煜厭見花成子多看筍成竹萬里斷音書十載異
栖宿積愁落芳鬢長啼壞美目君去往榆關妾留

住西巫谷唯對昔耶房如鬼蜘蛛屋獨喚響相酬還
時影自逐象牀易氈簟羅衣變單複幾度過風霜
猶能保煢獨

月夜詠陳南康新有所納

二八人如花三五月如鏡開簾一種色當戶兩相
映種價出秦韓高名入燕鄭十城屢請笏千金幾
爭聘君意自能專妾心本無競

見貴者初迎盛姬聊爲之詠

久想專房麗未見傾城者千金訪繁華一朝遇容
冶家本薊門外來戲叢臺下長卿幸未匹文君復

新寡

與司馬治書同聞隣婦夜織

洞房風已激長廊月復清藹藹夜庭廣飄飄曉帳
清雜聞百虫思偏傷一息聲鳥聲長不息妾心復
何極猶恐君無衣夜々當窓織

夜愁

簷露滴爲珠池水合成璧萬行朝淚瀉千里夜愁
極孤帳閉不開寒膏盡復益誰知心眼亂看朱忽
成碧

春閨有怨

愁未不理髮春至更攢眉悲看蛺蝶粉泣望蜘蛛
絲月映寒蛩禡風吹翡翠帷飛鱗難托意馭翼不
綴思

擣衣

足傷金管處多愴緹光促下機鴛西眺鳴砧遶東
旭芳汗似蘭湯彫金辟龍燭散度廣陵音慘寫漁
陽曲別鶴悲不已離鸞斷更續尺素在魚腸寸心
憑鴈足

為人傷近不見

羸女鳳凰樓漢姬柏梁殿詎將勝仙死音容猶可

為人述癆

工知想或癆未信癆如此
飯：無片非的、一皆是以親芙蓉褥方開合歡被
雅步極嬌妍合辭送委靡
如言非倏忽不意成微小
及寤盡室無方知悉虛說

見我有一心人同鄉不異縣異縣不成隔同鄉更
脉脉脉脉如牛女何由得一語

為何庫部舊姬擬靡蕪之句

出戶望蘭薰寒簾正逢君斂容纔一訪新知詎可
聞新人含笑近故人含淚隱妾意在寒松君心逐
朝槿

在王晉安酒席數韻

窈窕宋華容但歌有清曲轉盼非無時斜扇遠相
矚詎減許飛瓊絕勝劉碧玉何因送款款伴飲杯
中醪

爲人有贈

碧玉與緣珠張盧復雙女曼聲古難匹長袂世無
侶似出鳳凰樓言發瀟湘渚幸有褰衣裳便含情寄
一語

何生姬有怨

寒樹樓柳羈此月映風復吹逐臣與棄妾零落心可
知寶琴徒七絃蘭燈空柏枝顰容不足効啼粧拭
復垂同衾非楚越異國非此離

鼓瑟曲有所思

夜風吹燭燭朝光照昔耶幾銷靡蕪葉空見蒲桃

花不堪長織素誰能獨浣妙光陰復何極望促反
成賒知君亦蕩子柰妾自倡家

爲人寵姬有怨

可憐獨立樹枝輕根亦搖已爲露所浥復爲風所
飄錦衾襲不開端坐夜及朝是妾愁成瘦非君重
細腰

爲人自傷

自知心裏恨還向影中羞迴持昔慊慊變作今悠
悠還君與妾珥歸妾奉君裘斷絃猶可續心去最
難留

秋閨怨

斜光隱西壁暮雀上南枝風來秋扇屏月出夜燈
吹深心起百際遙淚非一垂徒勞妾辛苦終言君
不知

張率相逢行

張率

相逢夕陰階獨趨向冠里高門既如一甲第復相
似憑軾日欲昏何處訪公子公子之所在所在良
未知青樓出上路漸臺臨曲池堂上撫流徽壘樽
朝夕施橘柚分寶葉朱火燎金枝兄弟兩三人冠
佩紛陸離朝從禁門出車騎並驅馳金鞍瑪瑙勒

聚觀路傍兒入門一顧望鳧鵠有雄雌雄雌各數
千相鳴戲羽儀並在東西立群次何離離大婦刺
方領中婦抱嬰兒小婦尚嬌稚端坐吹參差丈夫
無遽起神鳳且來儀

對酒

對酒誠可樂此酒復能醇如華良可貴如浮乳更非
珍何以留上客為寄掌中人金尊清復滿玉椀亟
來親誰能共遲暮對酒及芳晨君當歌未罷却座
避梁塵

遠期

遠期終不歸節物坐將變白露濕單衣秋風息團扇誰能少離別他鄉且異縣浮雲蔽重山相望何時見寄言遠行者空閨淚如霰

徐俳贈內

徐俳

日暮想青陽躡履出椒房網虫生錦薦遊塵掩玉牀不見可憐影空聞黼帳香彼美情多樂挾瑟坐高堂豈忘離憂者向隅獨心傷聊因一書札以代九迴腸

對房前桃樹詠佳期贈內

相思上北閣徙倚望東家忽有當窓樹兼含映日

花芳鮮類紅粉比素若鉛華更使心增憶彌令想狹斜無如一路阻脉脉似雲霞嚴城不可越言折伐疎麻

費昶華觀省中夜聞城外擣衣

閨闔下重關丹墀吐明月秋氣城中令秋砧城外發浮聲繞臺雀飄響度龍闕婉轉何藏摧當佳上路來藏摧意未已定自乘軒裏乘軒盡世家從麗似朝霞圓瑤耳上照方纈領間斜衣薰百和屑鬢搖九枝花昨暮庭槐落今朝羅綺薄拂席捲外央開幔舒龜鶴金波正容與玉步依砧杵紅袖往還

紫素腕參差舉徒聞不得見獨夜空愁佇獨夜何窮極懷之在心側階垂玉衡露庭舞松風翼瀝滴流星輝燦爛長河色三冬誠足用五日無糧食揚雲已寂寥今君復弦直

和蕭紀室春日有所思

芳樹發春輝蔡子望青衣水逐桃花去春隨楊柳歸楊柳何時歸裊々復依依已蔭章臺陌復掃長門扉獨知離心者坐惜春光違洛陽遠如日何由見宓妃

春郊見美人

芳郊拾翠人迴袖捲芳春金輝起步搖紅米發吹輪湯湯蓋項日飄飄馬足塵薄暮高樓下當知妾姓秦

詠照鏡

晨輝照杏梁飛燕起朝粧留心散廣黛輕手約花黃正釵時念影拂絮且憐香方嫌翠色故乍道王無光城中皆半額非妾畫眉長

陽春發和氣

日淨班姬門風輕董賢館卷耳綠家出反舌登牆喚蚕女桂枝鈎遊童蘇合彈拂袖當留客相逢莫

相難

陽春發和氣

秋夜涼風起

佳人在河內征夫鎮馬邑零露一朝團中夜雨垂
泣氣爽牀帳冷天寒針縷澁紅顏本暫時君還詎
相及

秋夜涼風起

採菱

妾家五湖口採菱五湖側王面不關粧雙眉本翠
色日斜天欲暮風生浪未息宛在水中央空作兩
相憶

鼓吹曲二首

長門后怨

向夕千愁起自悔何嗟及
愁思且歸牀羅襦方掩泣
綠樹搖風軟黃鳥弄聲
金屋恥鳩時不言君不入

高巫山

巫山光欲晚陽臺色依依彼美岩之曲寧知心是
非朝霽觸石起暮雨潤羅衣願解千金佩請逐大
王歸

巫山高

有所思

上林鳥欲栖長安日行暮所思鬱不見空想舟墀
步簾動憶君來雷聲似車度北方佳麗子窈窕能
迴顧夫君自迷惑非為妾心妬

有所思

姚翻同郭侍郎採桑一首

姚翻

鴈還高柳北春歸洛水南日照茱萸領風搖翡翠

那堪
藁桑間視欲暮
閨裏遽飢蚕
相思君助取相望
妾

孔翁歸和湘東王班姬教一首

長門與長信
日暮九重空
雷聲隱聽隱
車響絕籠籠
籠恩光隨妙舞
團扇逐秋風
鈿華誰不慕
人意自艱終

徐悱妻劉令嫺詩二首

徐悱妻

花庭麗景斜
蘭牖輕風度
落日更新粧
開簾對春樹
鳴鸚葉中舞
戲蝶花間驚
調瑟本要歡
心愁不成趣
良會誠非遠
佳期今不遇
欲知幽怨多
春閨

深且暮

東家挺竒麗
南國擅容輝
夜月方神女
朝霞喻洛妃
還看鏡中色
比艷似知非
擗辭徒妙好
連類頓乖違
智夫雖已麗
傾城未敢希

何思澄湘東王教班婕妤三首

寂寂長信晚
雀聲哦洞房
蜘蛛網高閣
駁薛被長廊
虛殿簾帷靜
閑階花藥香
悠悠視日暮
還復拂空牀

擬古

故交不可忘
猶如蘭桂芳
新知雖可悅
不異茱萸

香妾有鳳雛曲非爲陌上桑薦君君不御抱瑟自
悲涼

南苑逢美人

洛浦疑迴雪巫山似旦雲傾城今所見傾國昔曾
聞嬌婿服隨嬌合舟唇逐笑分風卷蒲桃帶日照石
榴裙自有狂夫在空持勞使君

答唐娘七夕所穿針

徐悱

倡人助漢女靚粧臨月華連針學並蒂縈縷作開
花嬌閨絕綺羅攬贈自傷嗟雖言未相識聞道出
良家曾停霍君騎經過柳惠車無由一共語暫看

日升霞

玉臺新詠卷之六

玉臺新詠目錄卷之七

擣衣

梁武帝

擬長安有狹斜十韻

又

擬明月照高樓

又

擬青青河邊草

代蘇屬國婦

古意

臨高臺

芳樹

有思所

古意

紫蘭始萌

織婦

七夕

戲作

樂府三首

皇太子製

艷歌篇

蜀國絃歌十韻

妾命薄篇十韻

代樂府三首

新成安樂宮

雙梧生空井

楚妃嘆

和湘東王橫吹曲四首

洛陽道

折楊柳

紫騮馬

南湖

北渚

太堤

蓮舟買荷度

照流看落釵

春宵

冬曉韻

戲作謝惠連體十三

倡婦怨情十二韻

和徐錄事見內人作臥具

戲贈麗人

秋閨夜思

和湘東王名士悅傾城

從頓暫還城

詠八棄妾

執筆戲書

艷歌曲

怨

擬沈隱侯夜夜曲

七夕

同劉諮議詠春雪

晚景出行

賦樂府得大垂手

賦樂器得箜篌

詠舞

春閨情

又三韻

率爾成詠

美人晨粧

賦得當爐

林下妓

擬落日窓中坐

美人觀畫

變童

代秋胡婦閨怨邵陵王綸

車中見美人

代舊姬有怨

登顏園故閣

湘東王繹

戲作艷詩

夜遊柏齋

和劉上黃

寒宵

詠晚栖鳥

詠秋夜

同蕭長史看妓

和湘東王夜夢應令

曉色

閨妾寄征

玉臺新詠目錄卷之七

玉臺新詠卷之七

梁武帝擣衣

梁武帝

梁武帝十四首 皇太子聖製四十三首 邵陵王綸詩三首 湘東王綽詩七首 武陵王紀詩三首

駕言易水北送別河之陽
 沉思慘行鑣結夢在空
 牀既寤丹綠謬始知紈
 素傷中洲木葉下邊城
 應早霜陰虫日慘烈庭
 草復云黃金風但清夜
 明月縣洞房嫋嫋同宮
 女助我理衣裳參差夕
 杵引哀怨秋砧揚輕羅
 飛玉腕弱翠低紅粧朱
 顏日已興盼睇色增光
 擣以一匪石文成双外
 央制握斷金刀薰用如
 蘭房佳期久不歸持此
 寄寒鄉妾身誰與容思
 君苦人腸

擬長安有狹斜十韻

洛陽有曲陌，陌曲不通驛。忽逢一少童，扶轡問君宅。君宅邙邙右，易憶復可知。大息組網縵，中息珮陸離。小息尚青綺，總轡遊南皮。三息俱入門，家臣拜門垂。三息俱升堂，旨酒盈千卮。三息俱入戶，戶內有光儀。大婦理金翠，中婦事玉觴。少婦獨閑暇，調笙遊曲池。丈夫少徘徊，鳳吹方參差。

擬明月照高樓

圓魄當虛闥，清光流思筵。筵思對孤影，悽怨還自憐。臺鏡早生塵，匣琴又無絃。悲慕屢傷節，離憂亟

華年君如東扶景，妾似西柳煙。相去既路迥，明晦亦殊懸。願爲銅鐵轡，以感長樂前。

擬青青河邊草

幕幕綉戶絲，悠悠懷昔期。昔期久不歸，鄉國曠音輝。音輝空結遲，半寢覺知至。既寤了無形，與君隔死生。月似雲掩光，葉似霜催老。當途競自容，莫肯與妾道。

代蘇屬國婦

良人與我期，不謂當過時。秋風忽送節，白露凝前基。愴々獨涼枕，搔々孤月帷。或聽西北鴈，似從寒

海湄果啣萬里書中有生離辭惟言長別矣不復
道相思胡羊久剽奪漢節故支持帛上看未終臉
下淚如絲空懷之死誓遠勞同穴詩

古意 二首

飛鳥起離離驚散忽差池噉嘈透樹上翩翩集寒
枝既悲征役久偏傷墮上兒寄言閨中愛此心詎
能知不見松蘿上葉落根不移

芳樹

綠樹始搖芳芳生非一葉一葉度春風芳華自相
接雜色亂參差衆花紛重疊重疊不可思思此誰

當春有一草綠衣復重枝
云是忘憂物生在北堂華
飛、雙蝶蝶低、兩差池
差池依復起此芳性不移
飛蝶雙復復此心人莫知

能愜

臨高臺

高臺半行雲望望高不極草樹無參差山河同一
色髮鬢洛陽道道遠難別識玉階故情人情來共
相憶

有所思

誰言生離久適意與君別衣上芳猶在握裏書未
滅腰間雙綺帶夢為同心結常恐所思露瑤花未
忍拆

古意

當春有一草綠花復垂枝云是忘憂物生在北堂
垂飛飛双蛺蝶低低兩差池差池低復起此芳性
不移飛蝶双復隻此心人莫知

紫蘭始萌

種蘭玉臺下氣暖蘭始萌芬芳與時發婉轉迎節
生獨使金翠嬌偏動紅綺情二遊何足瓌一顧非
傾城羞將苓芝侶豈畏鷓鴣鳴

織婦

送別出南軒離思沈幽室調梭輟寒夜鳴機罷秋
月良人在萬里誰與共成匹願得一迴光照此憂

與疾君情倘未忘妾心長自畢

七夕

白露月下團秋風枝上鮮瑤臺生碧霧瓊幕_生紫
煙綺會非妙節佳期乃良年玉壺承夜急蘭油依
曉煎昔時悲難越今傷何易旋怨咽双念斷凄切
兩情懸

戲作

宓妃生洛浦遊女出漢陽妖閑逾下蔡神妙絕高
唐錦駒且變俗玉豹復移鄉况茲集靈異豈得無
方將長袂必留客清哇咸繞梁燕趙羞容正西姬

慙芬芳徒聞殊可弄定自之明璫

皇子聖製樂府三首

皇太子

艷歌篇十八韻

凌晨光景麗倡女鳳樓中前瞻削成小傍望春旌
空分粧間淺壓繞臉傅斜紅張瑟未調軫飲吹不
全終自知心所愛出入仕秦宮誰言連伊屈更是
莫教通輕軺綴皂蓋飛轡轅雲驄金鞍隨繫尾銜
璫映躔駿戈鏤荆山玉劔飾丹陽銅左把蘇合彈
傍持犬屈弓控弦因鵲血挽強用牛蠊弋獵多登
隴酣歌每八豐暉々隱落日冉冉還房櫳燈生陽

燧火塵散鯉魚風流蘇時下帳象篔復韜筒霧暗
窓前柳寒疎井上桐女蘿托松際瓜蔓甘井東拳
拳恃君愛歲莫望無窮

艷歌篇十八韻

蜀國弦歌十韻

銅梁望絕國劔道望中區通星上分野作固為下
都雅歌因良守妙舞自巴渝陽城嬉樂所劔騎鬱
相趨五婦行難至百兩好游娛牲祈望帝祀酒酌
蜀侯姝江妃納重娉卓女愛將雛停絃時繫爪息
吹治脣朱春衫前錦浪迴扇避陽魚聞君旌節返
賤妾下城隅

蜀國弦歌篇十韻

妾薄命篇十韻

名都多麗質本自恃容姿蕩子行未至秋胡無定期
玉貌歇紅臉長鬢串翠眉奩鏡迷朝色縫針脆
故絲本異搖舟咎何關竊席疑生離誰撫育溘死
詎成遲毛嬙貌本絕踉蹌入羶帷盧姬嫁日晚非
復好年時轉山猶可逐烏白望難追妾心徒自苦
傍人會見嗤

妾薄命篇十韻

代樂府三首

新成安樂宮

遙看雲霧中耿耿映丹紅珠簾通曉日金花拂夜

風欲知聲管處來過安樂宮

新成安樂宮

雙桐生空井

季月雙桐井新枝復舊株晚葉藏栖鳳朝花拂曙
鳥還看西子照銀牀牽轆轤

雙桐生空井

楚妃歎

幽閨情脉脉漏長宵寂寂草螢飛夜戶絲虫繞秋
壁簿笑未為欣微歎還成戚金簪鬢下垂玉筍衣

前滴

楚妃歎

和湘東王橫吹曲三首

洛陽道

洛陽佳麗所大道滿春光游童初挾彈蚕妾始提
筐金鞍照龍馬羅袂拂春桑王車爭晚入潘果溢
高箱

洛陽道

折楊柳

楊柳亂成絲攀折上春時葉密鳥飛礙風輕花落
遲城高短簫發林空畫角悲曲中無別意併爲久
思相

折楊柳

騶紫馬

賤妾朝下機正值良人歸青絲懸玉鐙朱汗染香
衣驟急珂彌響踣多塵亂飛雕胡幸可薦故心君

莫違

紫騶馬

雍州曲三首

南湖

南湖荷葉浮復有佳期遊銀綸翡翠鈎玉管芙蓉
舟荷香亂衣麝枕聲隨急流

南湖

北渚

岸陰垂柳葉平江含粉蝶好值城傍人多逢蕩舟
妾綠水濺長袖浮苔染輕檝

北渚

大堤

宜城斷中道行旅極流連出姜工織素妖姬慣數

錢炊^吹彫留吐客賞酒逐神仙

同庾肩吾四詠二首

蓮舟買荷度

採蓮前岫隈舟子屢徘徊披衣可織^識風疎荷香不
來欲知當度處當看荷葉開

蓮舟買荷度

照流看落釵

相隨照綠水意欲重涼風梳搖粧影壞釵落鬢花
空佳期在何許徒傷心不同

照流看落釵

和湘東王三韻二首

春宵

花樹含春叢羅夜幃長空風聲隨篠韻月色與池
同綵牋徒自裝無信往雲中

春宵

冬曉

冬朝日照梁含怨下前牀帳褰竹葉帶鏡轉菱花
光會是無人見何用早紅粧

冬曉

戲作謝惠連體十三韻

雜藥映南庭庭中光景媚可憐^枝上花早得春風
意春風復有情拂慢且開楹盈盈開碧煙拂慢拂
垂蓮徧使紅花散飄揚落眼前眼亦多無况參差
鬱相望珠繩翡翠帷綺幕芙蓉帳香烟出窓裏落

月斜階上日影去遲遲節花咸在茲桃枝紅若點
柳葉亂如絲絲條轉暮光影落暮光長春燕双双
舞春心處處揚酒滿心聊足萱枝愁不忘

倡婦怨情十二韻

綺窓臨畫閣飛閣繞長廊風散同心草月散可憐
光髮鬢簾中出妖麗特非常恥學秦羅髻羞為樓
上粧散誕披紅帔生情新約黃斜燈入錦帳微煙
出玉房六安双玳瑁八幅兩鴛鴦猶是別時許留
值解心傷含情生度日俄頃變炎涼玉關驅夜雪
金氣落嚴霜飛狐驛使斷交河川路長蕩子無消

息朱唇徒自傷

和徐錄事見內人作臥具

密房寒日晚落照度窓邊紅簾遙不隔輕帷半捲
懸方知纖手製詎減縫裳妍龍刀橫脉脉畫尺墮
衣前熨斗金塗色簪管白牙躔衣裁合歡攝文作
鴛鴦連針用双縫縷絮是八蚕綿香和麗丘密麝
吐中臺烟已入琉璃帳兼雜太華氈且句彫爐煖
非同團扇捐更恐從軍別空牀徒自憐

戲贈麗人

麗姬與妖嬈共拂可憐粧同安髮裏撥異作額間

黃羅裙宜細簡畫屨重高墻含羞來上砌微笑出
長廊取花爭問色開板枝念藥香但歌聊一曲鳴絃
未息張自矜心所愛三十侍中郎

秋閨夜思

非關長信別詎是良人征九重忽不見萬恨滿心
生夕門掩魚鑰宵牀悲畫屏迴月臨窓度吟虫繞
砌鳴初霜賈細葉秋風驅亂螢故粧酒累日新衣
襖未成欲知妾不寐城外擣衣聲

和湘東王十名悅傾城

美人稱絕世麗色譬花叢雖居李城北住在宋家

東教歌公主第學舞漢成宮多游淇水上好在鳳
樓中履高疑上砌裾開特畏風衫輕見跳脫珠概
雜青虫垂絲遶帷幔落日度房櫳粧窓隔柳色井
水照桃紅非憐江浦珮羞使春閨空

從頓暫還城

漢渚水初綠江南草復黃日暖蒲心發風吹梅蕊
香征艫艤湯塹歸騎息金墮舞觀依裳衣襞歌臺絃
未張特此橫行去誰念守空牀

詠人去妾

昔時嬌玉步含羞花燭邊豈言心愛斷喻啼私自

憐常見歡成怨非關醜易妍獨鵲罷中路孤鸞
鏡前

執筆戲書

舞女及燕姬倡樓復蕩婦參差大戾發搖曳小垂
手釣竿蜀國彈新城折楊柳玉按西王桃蠶杯石
榴酒甲乙羅帳異辛壬房戶暉夜夜有明月時時
憐更衣

艷歌曲

雲楣桂成戶飛棟杏爲梁斜窓通藥氣細隙引塵
光裁衣魏后尺汲水淮南牀青驪暮當返預使羅

裙香

怨

秋風與白團本自不相安新人反故愛意氣豈能
寬黃金肘後印白玉案前盤誰堪空對此還成無
歲寒

擬沈隱侯夜夜曲

藹藹夜中霜何關向曉光枕啼當帶粉身眠不着
牀蘭膏斷更益薰爐滅復香但問愁多少便知夜
短長

七夕

秋期此時夫長夜從河靈紫煙凌鳳羽奔光隨玉
輶洛湯疑劍氣成都怪客星天梭織來久方逢今
夜停

同劉諮議詠春雪

晚霞飛銀礫浮雲暗未開入池消不積因風墮復
來思婦流黃素溫姬玉鏡臺看花言可插定有非
春梅

晚景出行

細樹含殘影春閨散晚香輕花鬢邊墮微汗粉中
光飛鳧初罷曲啼鳥忽度行羞令白日暮車騎鬱

相望

賦樂府得大垂手

垂手忽若若飛燕掌中嬌羅衣恣風引輕帶任情
搖詎似長沙地促舞不迴腰

賦樂名得篋篋

捩遲初挑吹弄急時催舞釧響逐絃鳴私迴半障
柱欲知心不平君看黛眉聚

詠舞

可憐初二八逐節似飛鴻懸勝河陽妓閣與淮陽
同入行看履進轉面望鬟空腕動若華玉袖隨如

意風上客何須起啼鳥曲未終

春閨情

楊柳葉纖纖佳人懶織縑正衣還向鏡迎春試捲
簾摘梅多繞樹覓燕好窺簷只言逐花草計較應
非嫌

又三韻

珠簾向暮下妖姿不可追花風暗裏覺蘭燭帳中
飛何時玉窓裏夜夜更縫衣

率爾成詠

借聞仙將畫詎有此佳人傾城且傾國如雨復如

神漢后憐名燕周王重姓申挾瑟會游趙吹簫屢
入秦玉階偏望樹長廊每逐春約黃出意巧纏絃
用去新迎風時引神避日暫披巾疎花映髻插綉
佩逸衫身誰知口欲薄含羞不自陳

美人晨粧

北向窓朝鏡錦帳復斜縈嬌羞不肯出猶言粧未
成散黛隨眉廣燕脂逐臉生試將持出衆定得可
憐名

賦得當爐

十五正團圓流光滿上蘭當爐設夜酒宿客解金

鞍迎來挾瑟易送別但歌難詎知心恨意翻令衣帶寬

林下妓

炎光向夕斂促宴臨前池泉聲影相得花與面相宜管聲長鳥弄舞扶寫風枝歡樂不知醉千秋長若斯

擬落日窓中坐開

杏梁斜日照餘輝映美人開_自玉脫寶釧向鏡理統巾游魚動池葉舞鶴散階塵空嗟千歲久願得及陽春

鬢童

鬢童嬌麗實賤童復超瑕羽帳晨香滿珠簾夕漏餘翠被含鸞色離牀縷象牙妙年同小史殊只比朝霞袖教連塵錦袋織細種花攢袴輕紅出回頭雙鬢斜懶眼時含笑玉手乍攀花懷情非後釣密愛似前車足使燕姬妒彌令鄭女嘆

美人觀畫

殿上番神女宮裏出佳人可憐俱是畫誰能辨偽真分明淨眉目_眼一種細腰身所有特_可為異長有好精神

代秋胡婦閨怨

邵陵王綸

蕩子從游宦思妾守房櫳塵鏡朝朝掩寒衾夜夜空若非新有悅何事久西東知人相憶不淚盡夢啼中

車中見美人

關情出眉眼軟媚着腰肢語笑能嬌媚行步絕透

迤空中自迷惑渠傍會不知懸念猶如此得應時
若為

代舊姬有怨

寧為萬里別乍此生別離那堪眼前見故愛逐所
移未展春光落遽起秋風吹怨黛愁還歛啼粧拭
更垂誰能巧為賦黃金妾自貧

登顏園故閣

湘東王繹

高樓三五夜流影入丹墀先時留上客夫婿芙蓉
姿粧成理蟬髻笑罷斂蛾眉衣香知步近釧動竟
行遲如何舞館樂翻見歌梁悲猶懸北窓愧未捲

南軒帷寂寂空郊暮非復少年時

戲作艷詩

入堂值小婦出門逢故夫含辭未反吐絞袖且踟
躑搖茲扇似月掩此淚如珠今懷同無已故情今
有餘

夜遊柏齋

燭暗行人靜簾開雲影入風細雨聲遲夜短更籌
急能下班姬淚復使倡樓泣况此客遊人中宵空
佇立

和劉上黃

新鶯隱葉轉新燕向窓飛柳絮時依酒梅花乍入
衣玉珂輕風度金鞍映日暉無令春色晚獨望行
人歸

詠晚栖鳥

歸賦

日暮連翻翼俱向上林栖風多前鳥駛雲暗後群
迷路遠聲難徹飛斜行未齊應從故鄉返幾過入
蘭闥借問倡樓妾何如蕩子妻

寒宵三韻

烏鵲夜南飛良人行未歸池水浮明月寒風送擣
衣願織迴文錦因君寄武威

詠秋夜

秋夜九重空蕩子怨房櫳燈光入綺帷簾影進屏
風金徹調玉軫茲夜撫離鴻

同蕭長史看妓

武陵王紀

燕姬秦妙舞鄭女發清歌迴羞出慢臉送態入嚙
哦寧殊值行雨詎減見凌波想君愁日暮應羨魯
陽戈

和湘東王夜夢應令

昨夜夢君歸賤妾下鳴機意知君意薄不著去時
衣故言如夢裏賴得鴈書飛

曉色

晨禽爭學轉朝花
亂欲開爐烟入斗帳
屏風隱鏡臺
紅粧隨淚盡
蕩子何時迴

閨妾寄征人

斂色金星聚
紫悲玉筋流
願君看海氣
憶妾上高樓

目作三首此首疑衍 以八字原注

玉臺新詠卷第七

玉臺新詠目錄卷之八

蕭子顯雜詩 二首

王筠和吳王簿 六首

劉孝綽雜詩 五首

劉遵雜詩 二首

王訓奉和率不有詠 一首

庾肩吾雜詩 六首

劉孝威雜詩 三首

徐君倩雜詩 二首

鮑泉雜詩 二首

劉綬 雜詩

四首

鄧鏗 雜詩

二首

甄固 奉和世子春情

一首

庾信 雜詩三首

三首

劉邈 雜詩

四首

紀少瑜 雜詩

三首

聞人蒨 春日

一首

徐孝穆 雜詩

四首

吳孜 雜詩

一首

湯僧濟 雜詩

一首

劉令嫺 徐惟妻 雜詩

一首

王叔英妻 雜詩

一首

玉臺新詠卷之八

蕭子顯古樂府二首

蕭子顯

大明上若若陽城射凌霄光照窓中婦絕世同阿
嬌明鏡盤龍簪刻羽鳳凰彫逶迤梁家髻冉弱楚
宮腰輕紈拂重錦薄縠間飛綃三六前年暮四五
今年朝蚕園拾芳蘭桑陌採柔條出入東城里上
下洛西橋忽逢車馬客飛蓋動檐輶車衣鼠毛織
寶劍羊頭鞞丈夫疲應對御者輟銜鑣桂間徒脉
脉垣上幾翹翹女本西家宿君自上官要漢馬三
萬匹夫婿任飄飄鞞囊虎頭綬左珥鳧盧貂橫吹

龍鍾管奏鼓象牙簫十五張內侍十八賈登朝皆
笑顏郎老盡訝董生超

日出東南隅行

代美女篇

邯鄲暫輟舞巴姬請罷絃佳人溱洧上艷趙復傾
燕繁穠既為李照水亦成蓮朝沾成都酒暝數河
間錢餘光幸未惜蘭膏空自煎

代樂府美女篇

王筠和吳王詩六首
春月

王筠

日照鴛鴦殿萍生鴈鷺池遊塵隨影入弱柳帶風
垂青鶻逐黃口別鶴慘羈雌同衾遠遊說結愛久
生離於今方溘死寧湏萱草枝

卷菴心未發靡蕪葉欲齋春蚕方曳緒新燕正銜
泥野雉呼雌雉庭禽挾子栖從君客梁後方晝掩
春閨山川隔道里芳草徒萋萋

春月二首

秋夜二首

九重依夜管四壁慘無輝招搖顧西落烏鵲向東
飛流螢漸收火絡緯欲催機爾時思錦字持製行
人衣所望丹心達嘉客尚能歸
露華初泥泥桂枝方悚悚煞氣下重軒輕陰滿四
屋別寵擗脩夜遠征悲獨宿愁牽翠羽眉淚滿橫
波目長門絕往來含情空杼軸

秋夜二首

遊望二首

落日照紅粧挾瑟當窗牖寧復歌靡蕪唯聞嘆楊柳結好在同心離別由衆口徒設露葵羹誰酌蘭英酒會日杳無期楫華安得久
相思不安席聊至狹斜東愁眉放歲里高髻學城中雙眉偏照日獨蓋好縈眉自知心所愛獻賦甘泉宮博聞方鼎食詎春憶閨容

遊望二首

劉孝綽

遙見鄰舟主人投一物衆姬爭之有客請

余為詠

劉孝綽

河流既浼々河鳥復關關落花浮浦出飛雉復流

還此日倡家女競嬌桃李顏良人惜美珥欲以代芳管新嫌疑故素盛趙蔑衰班曳綃事掩縠搖珮奪鳴環客心空振蕩高枝不可扳

淇上人戲蕩子婦示行事一首

桑中始奕奕淇上未湯湯美人要雜珮上客綉明璫日闇人聲靜微步出蘭房露葵不待勸鳴瑟無暇張翠釵掛已落羅衣拂更香如何嫁蕩子春夜守空牀不見青絲騎徒勞紅粉粧

賦得照基燭刻五分成

南皮絃吹罷終奕且留賓日下房櫳閉華燭命佳

人側光金照局迴花半隱身不亂纖手卷羞令夜
向晨

夜聽妓賦得烏夜啼

鷓絃且輟弄鶴操暫停徽別有啼烏曲東西相背
飛倡人怨獨守蕩子遊未歸若逢生離曲長夜泣
羅衣

賦得遺所思

遺簪彫玳瑁贈綺織鴛鴦木若華滋樹交枝蕩子
房別前秋已落別後春更芳所思不可寄唯憐盈
袖香

劉遵繁華應令

劉遵

可憐周小童微笑摘蘭叢鮮膚如粉白慢臉似桃
紅挾彈離陵下垂鈎蓮葉東腕轉飄香麝衣輕任
好風幸承枕席選得奉畫堂中金屏障翠翡籃杷
覆薰籠本欲傷輕薄含亂羞自通剪袖恩雖重殘
桃愛未終蛾眉詎須嫉新粧迎入宮

從頓還城應令

漢水深難渡深潭見底清錦芊繫鳧舸珠竿懸翠
鈴鳴笳芳樹曲流唱採蓮聲神遊不停駕日暮返
連營寧顧重房重階上綠苔生

王訓奉和率爾有詠

王訓

殿內多仙女從來難比方別有當窓艷復是可憐
粧學舞勝飛燕染粉簿南陽散黃分黛色薰衣雜
棗香簡釵新輾翠試履逆垣牆一朝恃容色非復
守空房君恩若可恃願作双鴛鴦

庾肩吾詠得有所思

庾肩吾

佳期竟不歸春物坐芳菲拂匣看離扇開箱見別
離井梧生未合宮槐卷復稀不及啣泥燕從來相
逐飛

詠美人自看畫應令

欲知畫能巧喚取真來映並出似分身相看如對
鏡安釵等疎密着領俱周正不解平城圍誰與丹
后競

賦得橫吹曲長安道

杜柱宮橫連複道黃山開廣路遠聽平陵鍾遙識新豐
樹合殿生光采離宮起煙霧日落歌吹還塵飛車
馬度

南苑還看人

春花競玉顏俱折復俱扳細腰宜窄衣長釵巧挾
鬟洛橋初度燭青門欲上關中人應有望上客莫

前還

和湘東王春宵應令

征人別來久年芳復臨牖燭下夜逢衣春寒偏著
手願返歸飛鴈因書寄高柳

應令春宵

送別於建興苑相逢

相逢小苑北停車問苑中梅新雜柳故粉白映綸
紅去影背斜日香衣臨上風雪消階漸黑冰開池
半通去馬船難歸啼鳥曲未終眷然從此別車西
馬復東

劉孝威侍宴賦得龍沙宵月明

劉孝威

隣雞聲已傳愁人竟
不眠月光侵曙後霜
落曉前紫鬢起照鏡
誰思插花鈿 應令不
曉

鵲飛空繞樹月輪殊未圓姮娥望不出桂枝梢隱
殘落照移樓影浮光動墜瀾櫪馬悲笳吹城鳥啼
塞寒傳聞機杼妾愁余衣服單當秋終已脆嚙啼
織復難斂眉雖不樂舞劒強為歡請謝亟關吏行
當看一丸

奉和湘東王應令冬曉

妾家邊洛城慣識曉鍾聲鍾聲猶未絕漢使報應
行天寒覘冰凍心悲書不成

都縣遇見人織率爾歌婦

妖姬含怨情織素起秋聲度梭環玉動踏躡珮珠

鳴經移^稀杼澁緯斷恨絲輕蒲桃始欲罷鴛鴦猶
未成雲棟共徘徊紗窓相向開凶疎眉語度^紗輕
眼咲來矐矐隔淺紗的的見粧華鏤玉同心帶列
寶連枝花紅衫向後結金簪臨鬢斜機頂挂流蘇
機傍垂結珠青絲伏引兔黃金繞轆轤艷彩裾邊
出芳脂口上渝百城交問道五馬共踟躕真爲閨
中人守故不要新夢啼漬花枕覺淚濕羅巾獨眠
真自難重衾猶覓寒逾憶凝脂暖彌想橫陳歡行
驅金絡^騎蹄就南城端城南稍有期想子亦勞思
羅衣久應罷花釵堪更治新粧莫點黛余還自畫

眉

徐君舊共內人夜坐守歲

徐君舊

歡多情未極賞至莫停杯酒中挑喜子粽裏覓楊
梅簾開風入帳燭盡炭成灰勿疑鬢釵重爲待曉
光催

初春携內人行戲

娛神
梳飾多今世不著一時新草短猶通屨梅香漸著
人樹斜牽錦帔風橫入紅綸滿酌蘭英酒對此得

鮑泉南苑看遊者

鮑泉

洛陽小苑地車馬盛經過綠溝駐行憶傍柳轉鳴
珂履高令響珮襪輕半隱羅浮雲無處所何用轉
橫波

落日看還

妖姬競早春上苑逐名辰苔輕變水色霞濃掩日
輪雕甍斜落照畫扇拂遊塵衣香遙已盡衫紅遠
更新誰家蕩舟妾何處織縑人

劉綬敬酬劉長史詠名士悅傾城

不信巫山女不信洛川神何關別有物別還是傾
城人徑共陳王戲曾與宋家隣未嫁先名玉來時

疑

本姓秦粉光猶似面朱色不勝唇遙見疑花發聞
香知異春釵長逐鬢髮髮小稱腰身夜夜言嬌盡
朝朝態還新工傾荀奉情能迷石季倫上客徒留
目不見正橫陳

雜詠湘東王三首

別後春池異荷盡欲生冰箱中剪刀冷臺上面脂
凝纖腰轉無力寒衣恐不勝

寒閨

右冬宵

樓上起秋風絕望秋閨中燭溜花行滿香燃奩欲
空從教兩行淚俱浮粧上紅

右秋夜

不堪寒夜久夜夜守空牀衣裾逐坐攝釵影近燈

長無憐四幅錦何須辟惡香

冬宵 右寒閨

和陰梁州雜怨

鄧鏗

別離雖未久遂如長別離叢桂頻銷葉庭樹幾攀
枝君言妾貌改妾畏君心移終須一相見併得兩
相知

奉和夜聽妓聲

又

燭華似明月鬢影勝飛橋妓兒齊鄭樂爭妍學楚
腰新歌自作曲舊瑟不須調衆中俱不笑座上莫
相撩

奉和世子春情

甄固

昨晚褰簾望初逢雙燕歸今朝見桃李不啻數花
飛以愁春欲度無復寄芳菲

庾信奉和詠舞

洞房花燭明燕餘双舞輕頓履隨疎節低鬟逐上
聲伴轉行初進飄衫曲未成迴鸞鏡欲滿鵲顧市
應傾已曾天上學詎似世中生

和何僕射還宅懷故

紫閣旦朝罷中臺夕奏稀無復千金笑徒勞五日
歸步簷朝未掃蘭房晝撩扉苔生理曲處網積迴
文機故瑟餘絃斷歌梁秋燕飛朝雲雖可望夜帳

牽牛遙映水織女正登
車星橋通漢使機石逐
僊槎隔河相望近經秋
離別賒愁將今夕恨道
著明年花

定難依願憑甘露入方假慧燈輝寧知洛城晚還
淚獨沾衣

萬山見採桑人

劉邈

倡妾不勝愁結束下青樓逐伴西城路相携東陌
頭葉盡時移樹枝高乍易鈎絲繩掛且脫金籠寫
復收蚕飢日已暮詎爲使君留

見人織聊爲之詠

纖纖運玉指脉脉正蛾眉振躡開交鏤停梭續斷
絲簷花照初月洞戶未垂帷弄機行掩淚翻令織
素遲

秋閨

螢飛綺窓外妾思霍將軍燈前量獸錦簷下織花
紋墜露如輕雨長河似薄雲秋還百種事衣成未
暇薰

鼓吹曲折楊柳

高樓十載別楊柳擢絲枝摘葉驚開駛攀枝恨別
離年年阻音信月月減容儀春來誰不望相思君
自知

遠興苑

紀少瑜

丹陵抱天邑紫苑更上林銀臺懸百仞玉樹起千

尋水流冠蓋影風揚歌吹音踟躕憐拾翠顧步惜
遺金日落庭花轉方慢屢移陰終言樂未極不道
愛黃金

擬吳筠體應教

庭樹發春輝遊人競下機却匣擊歌扇開箱擇舞
衣桑萎不復惜看花遽將夕自有專城居空持迷
上客

春日口占

愁人試出牖春色定無窮參差依網日淡蕩入簾
風落花還繞樹輕飛去隱空徒令玉筋泣双垂明

鏡中

聞人稱春日

高臺動春色清池照日華綠葵向光轉翠柳逐風
斜林有驚心鳥園多奪目花相與咸知節嘆子獨
離家人行今不返何勞空折麻

走筆戲書應令

徐孝穆

此日乍殷勤相嫌不如春今宵花獨淚非是夜迎
人舞席秋來卷歌筵無數塵曾經新代故那惡故
迎新片月窺花簞輕寒入被巾秋來應瘦盡偏自
著腰身

奉和詠舞

十五屬平陽因來入建章主家能教舞城中且巧
粧低鬟向綺席舉袖拂花黃燭送窓邊影衫傳鈴
裏香當關好留客故作舞衣長

和王舍人送客未還閨中有望

倡人歌吹罷對鏡覽紅顏拭粉留花稱除釵作小
鬟綺燈停不滅高扉掩未關良人在何處唯見
月還

為羊兗州家人荅餉鏡

信來贈寶鏡亭亭似團月鏡久自踰明人久情逾
歇取鏡挂空臺於今莫復開不見孤鸞鳥香魂何

處來

春閨怨

吳攸

玉關信使斷借問不相諳春光太無意窺窓來見
參分與光音絕忽值日東南柳枝皆黦燕桑葉復
催蚕物色頓如此孀居自不堪

滌井得金釵

湯僧濟

昔日倡家女摘花露井邊摘花還自插照井還自
憐翠羽成泥去金釵尚如先此人今不在此物今
空傳

和班婕妤怨

徐悱妻劉氏

窺窺終不罷笑目
成妍寶釵於此落從
來不憶年

日落應門閉愁思百端生况復昭陽近風傳歌吹
聲寵移終不恨讒枉太無情只言爭分理非妬舞
腰輕

和昭君怨

王叔英妻劉氏

一生竟何定萬事良難保丹青笑舊畧玉匣成秋
草想妾辭關路至今猶未燥漢使汝南來殷勤爲
人道

玉臺新詠卷之八

